



Projet promovût di 'La Vôs dai Furlans' e 'ARLeF'

**Daria e Bete
nus insegnin...**



Daria nus propon un quiz sui moments di une zornade.
Tropis rispuestis rivarîno a induvinâ?

Cjalin insieme la pontade di *Maman!*
"Vie pal di" su



**Lu saveviso
che...?**



Lant a fâ une
cjaminade
pai cjamps,
us isal mai
capitât di
viodi grumuts
di tiere? E
je chê che i


farc a butin fûr cuant che a sgjavin lis galariis e lis tanis.
Cheste besteute, nere e pelose, e vîf sot tiere tal scûr e
e mangje viers. E à un music ninin a spiç cun mostacjîs
lungjîs e lis çatis denant a forme di pale, perfetis par
sgarfâ la tiere! Il farc nol à une viste buine: chest sens i
covente pôc stant che al passe dute la vite tal scûr!

cumò fâs tu!

Par mirinde, Marc il farc al vûl mangjâ une buine
fete di torte. Judilu a cjatâ la galarie juste!



Piture il dissen



**Ridi
a plene
panze!**

Ce cjataiso une volte intun minût, dôs
voltis intun moment e mai intune ore?
La letare "M"!

Pagjine curade
dal Sportel Regionâl
pe Lenghe Furlane de

ARLeF
AGENZIE
REGIONÂL
PE LENGHE
FURLANE

Vuelistu tornâ
a viodi lis pontadis
di Maman!? **Cirilîs su**



**ANCJE
'ON DEMAND'
SU telefriuli**

**O cjale lis
replichis su
telefriuli**

**Vinars aes 18.30
e domenie aes 7.00
e aes 13.00**

STELIS E LUSIGNIS
Noa



Roc. Alc di chei che
tu âs dongje no ti
convinç, tu fasis ben a
fâ cualchi pas indaûr
e a no cjapâ nissun
impegn.



Gjambar. Tal lavôr tu
rivis a meti in pratiche
lis tôs cognossincis
e i coleghis ti disin
graciis.



Balance. Lis stelis ti
dan un biel sburt tai
afârs di bêçs, tu âs di
aprofitâ ançe parcè
che l'aiar al zire.



Bec di mont. Tu âs
tacât l'an plen di fuarce
e di voie di rivâ, lis stelis
a son de tô bande, ce
vuelistu miôr di cussi?



Taur. Ti è vignude tal
cjâf une persone che
no tu viodis di un pieç,
tu fasis ben a clamâle.



Leon. Tu sês plui
viert cu la int e chest ti
permet di cognossi
personis gnovis,
cualchidune e pues
deventâ tô amie.



Sgarpion. Doman
tu varâs di
dismenteâ fats e
personis leâts al to
passât.



Agarûl. Tu stâs vignint
fûr di un periodi di
confusion, e je rivade
la ore di cjapâ cualchi
sodisfazion.



Zimui. Intes
discussions in famee
tu âs di vê un grum
di pazience e no tu âs
di rabiâti. Cussi dut si
sclaris miôr.



Vergjine. Tu âs salt
tal cjâf un pinsîr che
ti fâs rabiâ, ma cussi
il probleme no tu lu
disberdeis.



Sagjitari.
Cualchidun al cîr di
fâti inçopedâ, tu âs
di moviti prime che
si inacuarzedi di jessi
scuviert.



Pes. Une vore di
personis a àn gjoldût
de tô disponibilitât,
ma cumò, cuant che al
covente, a zirin la muse
di une altre bande.